



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### F. Baptiste Ma[n]tuani Carmelitæ Theologi: Elegia de Sa[n]ctitate Ieiunii quadragesimalis

Baptista <Mantuanus>

[Köln, 1505

VD16 S 7260

[Text]

urn:nbn:de:hbz:466:1-30556

**E**legia de sanctitate ieiunii quadragesimalis,

**A**m cineres adsunt. adsunt ieiunia uerni  
**T**emporis: & madidis flēs Metanōea genis.  
**N**ūc opus o Comites sensū cohibere fluētē

Atq; bonos mores iusticiamq; sequi.

Hactenus oppressa clauum ratione uoluptas

Rexit: & ad stygias ire coegit aquas.

Nos dedit in prædam Dominis crudelibus Orci;

Vendit inferno pectora nostra loui.

Hac duce nos olidis laruæ infixere cloacis:

Et sibi nos diræ prostituere Canes.

Illudere malæ nobis obscœnius Vmbra

Bacchus: & ad fraudes ingeniosa Venus.

Et Genius pingui gradiens distentus Omaso:

Cui comes est omnis desidis aula Gulæ.

Ebrietas: sopor: ingluuies: petulantia: risus

Scurrilitas: nugæ: desidiofa quies.

Hinc genus accepit mollis lasciua: uultu

Blandula: circeis insidiosa dolis.

Hæc tenuit sceptrum postq̄ titanius axis

Applicuit Cephei frigida regna senis.

Sed mirum est animos quando facit ille seueros:

Cur leuitas isto tempore tanta potest.

Nec tamen id mirum. seruant qui sidera tradunt

Hinc etiam Birias nascier atq; Dauos.

Nunc opus est Comites sensum cohibere fluentem;

Atq; bonos mores iusticiamq; sequi.  
Mille modis tactum rapuit lasciuia & aures.  
Linguam mille modis: lumina mille modis.  
Quid nisi lasciuum resonant spectacula noctis?  
Comicaq; in mores fabula nata pios?  
Quid moduli dulces: quid personata iuuentus?  
Quid lyra? quid phrygio tibia blanda sono?  
Mimorumq; reges mixti lurconibus: inter  
Spumantes pateras uiscereasq; dapes.  
Quid choreæ poscunt nisi conculcare pudorem?  
Et uitio uires auxiliumq; dare?  
Viuerē in his tenebris scelus est immane: furorq;  
Vel lethæa grauis quem facit unda sopor.  
Ebria mens oblita sui per lustra ferarum  
Fertur: in immunda sordida dormit humo.  
Nec minus insanit: q̄ si uir nobilis ortus  
Classibus e primis: per fora nudus eat.  
Per fora nudus eat: iaceatq; in puluere: toto  
Corpore: & obsceno perlinat ora luto.  
Perlinat ora luto: iaculansq; per aera saxa  
Seria tractantes non finat ire uiros.  
Nunc opus est Comites sensum cohibere furētem.  
Et terricas leges consiliumq; sequi.  
Omnia quæ confert oblectamenta uoluptas  
Præcipiti cursu fluminis instar eunt.  
Semper abit uelox: nec habet retinacula tempus:

Et uolueri fugiunt mobilitate dies.  
Disce quid hic possit sperari optabile; quando  
Nasci pœna: labor uiuere: triste mori  
Quid sit forma docent uiolæ: rosa: lilia: quorum  
Imbecilla ætas tam breue tempus habet.  
Aurea cæsaries sordescet: & uiuida quondam  
Splendidaq; in rugas contrahet ora cutis.  
Pro candore subit pallor. uicina <sup>11</sup> ætus  
Corpus aternalí polluit omne situ.  
Conficiunt oculos lachrymis stillantibus anni;  
Et ueniens reddit lumina torua dies,  
Lumina Lucifero nunc æmula: lumina flammis  
Quæ faciunt hominum feruere corda suis.  
Qualia quæ Turnum quæ corripuere Lœandrum;  
Pelidem: Eneam: Demophoonra: Parim.  
Quid leuibus uentis: quid inani fidimus umbræ?  
Perperibus: si uis fidere: fide bonis.  
Nunc opus o Comites sensum cohibere fluentem;  
Atq; bonos mores iusticiamq; sequi.  
Tandem canus homo uitæ oneratus & annis  
In tumulum uita deficiente ruit  
Sæpius ante diem dum florida uiuitur ætas  
In cineres atros prima iuuenta redit.  
Id modo significant conspersi puluere crines:  
Dictaq; cum sacro puluere uerba nouem.  
Vita: licet uiueat; semper contermina fato est;

Et spaci superest inter utrunq; nihil.  
Qui sapit: & qui non: qui seruit & imperat: æqua  
Et miser & felix: conditione cadunt.  
Nunc opus o Comites sensum cohibere fluentem  
Atq; bonos mores iusticiamq; sequi.  
Iam cineres adsunt: adsunt ieiunia verni  
Temporis: & madidis flens Metanœa genis.  
Hæc est illa uetus simplex & casta parentum  
Quæ in terris mundo uita recente fuit.  
Nam neq; tunc hominî cæsis animantibus uti  
Fas erat. arboreis frugibus usus erat.  
Quod pirus & malus: quod habebat aquatica Lotos  
Quod Rubus: illius temporis esca fuit.  
Per dumeta greges ibant impune per arua.  
Vellere & uberibus se redimebat ouis.  
Non erat ingluuies tanto saturanda labore:  
Omnis erat sumptu splendida mensa leui.  
Nec domini seruis prandebant Lautius. unas  
Terrigenis epulas una ferebat humus.  
Talia mandabat Samius conuiuia poni  
Contentus uitæ simplicitate senex.  
Talia Saturnus: quid dicitur aurea quondam  
Sæcula: & innocuos instituisse dies.  
Hæc igitur nobis uita est reuocanda quotannis.  
Quæ premat affectum: luxuriamq; domet.  
Nunc opus est Comites sensum cohibere fluentem

Atq; bonas leges iusticiamq; sequi.  
Moribus obscœnis totiens offendimus ipsum  
Aetheris a summo qui tonat axe Deum.  
Qui statuit maria & terras & sidera: tanto  
Ordine cœlestes qui facit ire polos  
Qui fuit: est: & erit sine fine & origine: tanti  
Diligit humanum qui pietate genus.  
Qui fuit in terris olim sub imagine nostra  
Visus: ut ad cœli nos animaret opes.  
Et quia nos fieri superos propensius optat:  
Si quod obest uotis talibus odit opus.  
Nostra autem uotis dementia talibus obstat:  
Et qui cæca facit pectora nostra furor.  
Hæc sunt illa igitur quæ tam uehementer acerbant  
Numina facturæ tam studiola suæ.  
Inde fit ut quotiens homines delinquere cernunt:  
Cœlicolas animo fama sit esse graui.  
Omnia tristantur cœlestia regna: tonantem  
Cum lædi offensa religione uident.  
Et natura docet Diui quid mente uoluent  
Cum cernunt spreto nos dare terga Deo.  
Tunc etenim pictor diuis lugubria fingit  
Ora. genas humiles: triste supercilium.  
Tum stygii manes lethæaq; numina gaudent:  
Et celebrant festos in Phlegethonte dies.  
Cerberus exultans minus est uenientibus asper:

Et minus horrífico mugit ad antra sonos  
Iam Cíneres adsunt:adsunt ieiunia uerni  
Temporis:&madidís flens Merancea genís  
His corrupta bonís mens instauranda duobus.  
His medicamentis restituenda salus.  
Multa pudicitiam soluunt obsonia:multo.  
Fit sensus petulans:& sine lege mero.  
Pauperies aufert quod fert opulentia.parco  
Atq; rudi improbitas est abolenda cibo.  
At quæ luxus iners peperit mala gaudia:franget  
Dícta peregríno quæ Merancea sono est.  
Hæc igitur nostris duo quæ contraria morbis  
Omne fugant: si sint continuata nefas.  
Qui gemit:& luget:sceleris quem poenitet:omnes  
Ad ueniam superos prouocat atq; Deum.  
Rex solymum. Dauid fuerat qui factus adulter  
Nequitiam tali lauit in amne suam.  
Sic sua piscator sepelisse piacula Petrus  
Dicitur:& quassam restituísse ratem.  
Post stephani lapides famosaq; crimina Paulus  
Taliter ex imo uenit in astra solo.  
Nunc opus o Comites sensum cohibere fluentem:  
Atq; bonas leges:consiliumq; sequi.  
Et nunc tempus adest renouandis utile rebus:  
Quando humus in fruges incipit ire nouas.  
Iam discessit hyems inimica feracibus aruis:  
a iiii

Libera discussa iam fuit unda gelu,  
Iam rediit Progne. iam sunt de prole Palumbes  
Sollicitæ: uenerem iam meditantur aues,  
Incipiunt natis thalamos componere: cunas  
Texere: & aerias ædificare domos.  
Inflamantur: amant: & uoce fatentur amorem:  
Ac passim dulci garritate sonant,  
Rusticus ad cantus aures accommodat istos  
Dum colit: & putrem uomere scindit humum,  
Vomere scindit humum. spargitq; legumine cãpos:  
Vnde sequens alias colligat annus opes,  
Nunc renouât plumas uolucres: coluberq; ueternũ  
Exiit aspirans ad iuuenile decus,  
Primo igitur Comites reparantur ut omnia uere:  
Et natura suum tota recentat opus:  
Sic animi probitas est instauranda: uetustas  
Sordida tollenda est: & cariota cutis.  
Nunc opus o Comites sensum cohibere furentem:  
Nostraq; diuino subdere colla iugo,

F I N I S.

¶ Supplicatio ad beatissimã uirginẽ Mariam.  
Gloria terrarum: Cœli: Regina: Tonantis  
Mater: in humanis portus & aura malis,  
Cum peccata miser tristi mea mente reuoluo  
Hiscere conspectus me pudet ante tuos.  
Nam tu labe cares omni. tu mundior auro